

Piniartut aalisartullu piffissap ilaanni inuuniarnikkut ajornartorsiulernerminni pisortanit ikiorserneqarsinnaanerisa pitsaanerulernissaat siunertaralugu sulisoqarnissaanik Naalakkersuisut peqquneqarnissaannik Inatsisartut aalajangiiffigissaattut siunnersuut.

(Inatsisartunut ilaasortaq Hans Aronsen, Inuit Ataqatigiit)

Akissuteqaat

(Isumaginninnermut Naalakkersuisoq)

Siullermeerneqarnera

Apeqqummut qujanaq. Piniarnermik inuussutissarsiuteqartut ajornartorsiulersarnerat meerartaannullu atugassarititaasunut tunngasut Naalakkersuisut pingaartitaraat. Ilaatigut tamakku tunngavigalugit atugarissaarnissaq pillugu isumalioqatigiissitamik aamma suliniutit pillugit suleqatigiissitamik nunap immikkoortuini aalajangersakkanik pineqartumi iliussissanik suliniuteqartussanik, uanilu apeqqummi pineqartumut misissuisussanik Naalakkersuisut pilersitsiniarput.

Piniartut aalisartullu pisortanit ikiorsiisarnermut inatsisip qasuteriffigineqarsinnaaneranut apeqqummut tunngatillugu aallaaviusariaqarpoq, aalisartut piniartullu aningaasartuutigisartakkaminnut aalajangersimasunut pilersuinissaminullu atugassanik inuussutissarsiuteqartut allat assigalugit pisortanit ikiorserneqarnissaminnut piginaatitaammata. Qinnuteqaatit ataasiakkaarlugit naliliiffigineqareerneratigut ikiorsiissutit pilersuinnermut aningaasartuutinullu aalajangersimasunut atugassatut tunniunneqartarput, takujuk peqqussummi § 4 imaluunniit ataasiaannartumik aningaasartuutitut ikiorsiissutitut tunniunneqartarput, takujuk peqqussummi § 20.

Pisortanit ikiorsiissutit annertussusissaat ataasiakkaarlugit nalilersorneqartarput, qinnuteqartullu aalajangersimasumik aningaasartuutigisartagai pilersuisussaataitanera il.il. aallaavigalugit annertussusilerneqartarlutik. Aningaasat ikiorsiissutigineqartut tamatigut annertussusilerneqartassapput ilaqutariit naammattumik nerisaqarsinnaanngorlugit, inuunniarnerminnilu pisariaqartitaannut allanut naammattussanngorlugit. Pisortanit ikiorsiissuteqarnissat nalilersorneqarnerini tamatigut meeqqat pisariaqartitaat immikkut isiginiarneqartassapput.

Tassunga tunngatillugu immikkoortinneqarneq ajorput qinnuteqartup aalisartuunera, piniartuunera, sulinermik inuussutissarsiuteqartuunera suliffissaaleqisuuneraluunniit. Piffissap ingerlanerani imminut ilaqtutaminullu pilersuisinnaanngikkaanni, ikiorserneqarnissamik qinnuteqartoqarsinnaavoq.

Pisortanit ikiorsiissutinik pisartagaqalernermi piumasaqaataavoq ikiorserneqartoq sulilernissamut piareersimassasoq. Taasuma nalilersornerani pingaaruteqarpoq eqqaamassallugu qinnuteqartut ataasiakkaarlugit apeqqutillu tamaasa ilanngullugit nalilersorneqartartussaammata.

Naalakkersuisut uppersarsinnaavaat pisortanit ikiorsiissutit pillugit peqqussummi aalisartut piniartullu sulilernissamut piareersimasussaataitaneranut tunngatillugu ajornartorsiutit

peqqussut aqutigalugu tamakkiisumik aaqiiffigineqarsinnaanngimmata, tassungali tunngatillugu inatsisit allanngortinneqassappata annertuumik piareersaasiortoqaqqaartariaqarpoq. Aqutissaq siulleq tassaavoq akileraartarneq atugarissaarnissarlu pillugit isumalioqatigiissitamik pilersitsinissaq, tassani pisortanit ikiorsiissutit ilanngullugit isumalioqatigiissitami misissuiffigineqaqqissaartussaammata. Isumalioqatigiissitap akileraartarnermut tunngasut, ineqarnermut tapiissuteqartarnerit isumaginninnikkullu aaqissuussinerit imminnut ataqatigiissuunerinut tunngasut misissussavai, taamaalilluni pisortanit ikiorsiissutit pisariaqartitsisunut tunniunneqartalissammata, peqatigitillugulu anguniagaavoq sulilernissaq kajuminnarnerulissasoq.

Malitsigitillugu Naalackersuisut kissaatigaat nunap immikkoortuini aalajangersakkanik iliuousissanik suliniuteqarnissaq, tamatuma siunertarivaa nunap immikkoortuini ineriartornerup piffinni periarfissaasut piffiillu immikkoorutaat isiginiarlugit piorsaavigineqarnissaat. Tamatuma nassatarissavaa inuit ikinnerusut pisortanit ikiorsiissutinik pisariaqartitsilernerat – apeqquteqartup sammisai aamma ilanngullutik ikinnerulerlutik.

Tamatuma saniatigut Isumaginninnermut Naalackersuisoqarfimmi pitsuussutsip Kalaallit Nunaanni pissutsit malillugit qanorpiaq paasisariaqarnera misissuiffigissallugu aallartitsisimavoq.

Pilersaarusiami tassani piitsuussuseq siammasisumik eqqarsarluni aallaveqartinneqarpoq. Aningaasaatikinneq pissutigalugu piitsuussuseq kisimi pineqanngilaq, kisianni aamma inuttaasut peqqinnissakkut tapiissutinut periarfissaat, ilinniarnissamut, aningaasarliornermi ajalusooqqaanermut, inoqatinit avissaarsimaneq il.il.

Tamanna tunngavigalugu Naalackersuisut kaammattuutigaat inassuteqartinnani isumalioqatigiissitap suliniutillu pillugit suleqatigiissitap sulinermini innersuussutaat saqqummernissaat utaqqineqarallassasut. Tamatuma kingorna aalisartut-piniartut suliffeqalernissamut piareersimasussaataa nerannut, namminnerlu pilersulersinnaanerinut tunngasut Naalackersuisunit nalilersoqqinneqassapput inatsisitigut allanngortitsisinnaanissaq siunertaralugu.

Taamaattumik Naalackersuisut kaammattuutigaat, siunnersuut taamatut isikkoqartillugu akuerineqassanngitsoq.

